

PULÍTICA SOBRI REKIZITUS DI GRADUASON DI SKOLAS PUBLIKAS DI BOSTON

ORDENADU, ki komitê Eskolar, atraves di kel li, aprova pulítikas anexo referenti a Rekisitus di Graduason na Skolas Publikas di Boston:

Es pulítika, ben komu Sirkularis di Superintendente autorizadus a siguir, ta djuda líderes di skolas, administradores, profisores i funksionários na kunpri ses obligasons en relason a garanti alunos asessu equitativo a kursus rigurosus na distriro interu.

Na nominal, orden foi aprovalu pa kes siguientes votos:

YEAS – (sin)

NAYS – (não)

ABSENT – (Ausente)

Atesta:

Elizabeth A. Sullivan
Sekretária Izekutiva

PULÍTIKA SOBRI REKIZITUS DI GRADUASON DI SKOLAS PUBLIKAS DI BOSTON

Tudu aluno - independentemente di se raça, etnia, jénero, difisiênsia, orientason sexual, relijion, status di sidadania, status socioekunômiku ô kodigo postal - meresi un edukason i oportunitadis iselentis, kultural i linguistikamenti relevanti, ki ta djuda-s alkansa tudu ses putensial. BPS ten studantes altamente talentosos ki é inpaktadu pa barreras sociais, sistêmicas i sociais, i racismo dentu i fora di skola. Kuase 30.000 studantes di BPS (más di 50% di nos populason di studantes) ten nesisidadis spesifikas komu Aprendizizes di Inglês i ô studantes ku inkapasidadis, i ô es ta sufri disvantagens ekonomikas. Alunos negros i latinos ta inklui 76% di matrikulas di BPS. Storia ta mosta ma, rapazes negros ô latinos, aprendizizes di inglês, i alunos ku inkapasidadis ten sido iskluidu di ten asessu a trabadju di klasis más rigurosu i ambientis di edukason jeral inklusivu en taxas disprupursionais.

Elimina lakunas di oportunitadis i di dizenpenhu i afirma kapasidadi infinitu di nos alunos di realiza ses speransas i sonhus é fundamental pa misson di distrito di garanti ki tudu kriansas na tudu salas di aulas di tudu skolas ta resebi kuzê ki es mesti. Nu ta toma mididas ousadas, deliberadas i isplísitas pa elimina lakunas di oportunitadis i dizenpenhu pa nos alunos más vulneráveis.

Manti pulítikas ki ta inpulsiona alunos en direson à ensino superior, karrera i prontidon pa vida i garanti ki rekisitus di graduason ser uniformes, transparentis, rigurosus i konsistentis na distrito i ki ta garanti kapasidadi di nos partes interessadus di konfia ki konpromissu di distrito ku equidadi é fundamental pa es responsabilidadi. Es pulítika ta afirma konpromissu di distrito na furnesi un ambienti di aprendizagen rigurosu i equitativu pa tudu alunos, en partikular na nível sikundário, independentementi di skola ondi es sta matrikulados, i ta governa rekisitus di graduason na distrito interu pa tudu alunos di Skolas Publikas di Boston.

Skolas Publikas di Boston ta manti na tudu mumento sirkular di superintendente ki: (1) ta diskrevi prusedimentos pa manutenson di sistemas pa garanti ki kursus ser rigurosus i alinhadus ku padrons di DESE; (2) splika prusedimentos spesífikus pa skolas obte izenson di kursus rigurosus; (3) diskrevi formulários spesífikus, lista di verifikason, aprovason i flexibilidadis permitidas; (4) prusesus pa evidensia konkluson di rekisitus di graduason.

Indipendentementi, komu un konplementu pa es pulítika, distrito ta dizenvolvi i manti prusesus di implimentason ditalhadu na forma di Sirkulares di Superintendente ki ta garanti:

- (1) orsamentus eskolares i prováveis prusesus organizasionais ta ser modifikadu asin pa pulítika ser aprovalu;
- (2) skolas ta kunpri marcos inportantis pa implementason;

- (3) prestason di kontas pa Komitê Eskolar i pa komunidadadi ta ser transparenti;
- (4) alunos multilíngues i aprendizases di inglêš pode ser kreditadu pa ses kualidadis linguístikus ki es adkiri antes;
- (5) prusesus di transkrison ta konsedi kréditu pa alunos pa kursus konklúidos antis (inklusivi internasionalmenti);
- (6) difinison di prusesus pa vias di graduason pa alunos elijíveis pa MCAS-Alt;
- (7) artikulasons di prusedimentus rigurosus di izenson di kursus pa benefisia alunos matrikulados na liseu i na instituisons di ensino superior, programas di trabadju i aprendizagen ô otus vias aseleradus, inkluidu programas di karrera i edukason téknica di Kapítulo 74;
- (8) prusesu pa identifika kursus di nível di liseu alinhadu a rigor di MassCore i garanti ki alunos ta ser dividamenti kreditados pa konkluson ben-susedida di kes kursus;
- (9) artikula un prusesu i kritérios pa alinha aprovason di kursu ku padrons i rekisitus di DESE;
- (10) artikula i manti prusesus pa garanti ki tudu alunos ten oportunidadi di demonstra dumíniu di konteúdo na ordem;
- (11) artikula un prusesu pa disigna alunos ki demonstra fluênsia i alfabetizazon na lingua(s) alen di inglêš enkuantu ki es ta kunpri rekomendasons di MassCore;
- (12) artikula un prusesu pa garanti ki alunos podi resebi krédito pa demonstra dumíniu di konteúdo, apesar ki es ka adkiri “tenpu di assentu” na un kursu obrigatório;
- (13) artikula un prusesu pa alunos matrikuladus na un programa di studus di Karrera i Edukason Téknica aprovalu pa stadu ten un opson di opta pa ka partisipa na World Language i Artes i inda kunpri MassCore.

Adoson di kursu di Studu Rekomendadu di Departamentu di Edukason Fundamental i Sikundária komu Rekisitu di Graduason di Skolas Publikas di Boston

-

Komitê Eskolar di Skolas Publikas di Boston ten responsabilidadi di kria pulítikas i prátikas ki ta apoia preparason di kada aluno pa un kursu superior, karrera i prontidon pa vida i removi kes barreras ki ta interferi ku studantes ki sta gradua di BPS pruntu pa ser ben susedidu na próximo etapa di ses vida. Respetivamenti, é inperativu ki nu adota rekizitus di graduason alinhadu ku padrons na distrito interu ki ta prumovi i garanti, rigor i iselensia na nos skolas, ki ta rezulta na eliminason di lakunas di oportunidadis i dizenpenhu i garanti ki tudu alunos gradua preparadu pa vida dipós di liseu. Alen di ke li, nu debi kria rekisitus di graduason konsistentis asin famílias i alunos ta entendi klaramenti ki kursus mesti ser konklúidos pa un aluno resebi se diploma di BPS.

Rekizitus di MassCore

BPS ta adota kursu di studus rekomendadu di MassCore komu se rekisitu di graduason pa tudu alunos di distrito. Spesifikamenti, kes kréditus a seguir, na vários kategorias di konteúdo, é nesisários pa graduason na Skolas Publikas di Boston.

Kes Figuras dibaxu ta representa visualmenti kes rekisitus di kursu pa graduason.

| <i>Koluna 1</i> | <i>Koluna 2</i> | <i>Koluna 3</i> |
|--------------------------------|-----------------|---|
| Kategoria di Konteúdo | Unidadis | Kursus |
| Língua i literatura Inglés | 4 | 1. _____ 2. _____ 3. _____ 4. _____ |
| Matemática | 4 | 1. Algebra II - Ô- Matemática integrada (Algebra) 2. _____ 3. _____ 4. _____ <i>Alunos tanbé pode skodji un kursu di siensia di konputason alinhadu ku MassCore</i> |
| Siensia basiadu na laboratorio | 3 | 1. _____ 2. _____ 3. _____ <i>Alunos tanbé pode skodji un kursu STEM alinhadu ku MassCore ô siensia di konputason, inkluido AP CS</i> |
| Storia & Studos Susiais | 3 | 1. Storia Mundial 2. Storia di Stodus Unidos 3. Studos étnikus (afro-americanos, latino-americanos, abitantes di ilhas di Pasífiku Asiátiku, studus di nativos americanos) |
| Línguas Múndias | 2 | 1. _____ 2. _____ <i>Tudu dós unidadis di mesmo língua.</i> |
| Idukason Fizika | 1 | Alunos ta ten un trimestre di kursu (ô se ekivalenti) di EF pa ano ô un ekivalenti. |
| Artes | 1 | Alunos ta ten un trimestre di kursu (ô se ekivalenti) di Artes pa ano ô un ekivalenti kumulativu. |
| Eletivos prinsipais | 5 | 1. _____ 2. _____ 3. _____ 4. _____ 5. _____ Ta inklui karreras i kursus di edukason teknika |

Difinisons:

Unidadis i "Tenpu di Assentu"

Un unidadis ta representa un ano akadémiku kompletu di studu ô se ekivalenti na un asunto ki ta kubri tudu padrons kontidu na un kurrikulu spesífikamenti struturadu, ma el ka ta signifika ki alunos debi "sta sintadu" na un sala di aula pa un numero spesífiku di horas pa resebi kréditu pa kursu; envez di ke li, alunos ta dimonstra dumíniu di konhesimentu i di abilidadis representadu pa un unidadis di instruson.

Alunos tanbé pode resebi kréditu oras ki es “faze un teste”, pa rekupera ô aselera un kursu, konformi diskritu na Sirkulares di Superintendente.

Kursus basiadus na kompetensias

Kursus basiadus na kompetensias, na kual alunos ta avansa i ganha kréditu atraves di konprovason di dumíniu, é ilejívéis pa ser konsideradu komu kréditu MassCore. Ke li ta inklui kursu i dumíniu akumuladu atraves di matrículas duplas.

Rekisitus di Stadu pa Graduason

Es pulítika ka ta substitui i nen el ka ta ben substitui rekisitus di graduason di Departamento di Edukason Fundamental i Sikundária. Rekisitus di stadu pa graduason di liseu ta inklui aspektos di Stória di EUA, edukason cívica, edukason fízika i obtenson di un “determinason di kompetensia” [notas di passa di 10^a serie na testes di Sistema di Avaliason Konpriensiva di Massachusetts (MCAS) di literatura di língua inglêis i matemátika, i siensias i teknulujia/Injinharia di nível di liseu)]. Pa alunos ki ka passa na teste di MCAS, edukadores disenholvi un Plano di Prufisiensia Edukasion (EPP) pa disiplina(s). Alunos mesti atendi rekisitus di kursu pa se EPP, alen di atendi rekisitus di MassCore.

Edukason Fízika

MassCore ta reflekti izijensia legal di ki edukason fízika ta ser ensinadu komu disiplina obrigatória na tudus series. Alunos pode atendi a rekisitus atraves di un programa organizado di atividadis fízika instrusional, inkluidu, más ka limitadu a: partisipason na disportu interescolar, patinason, hóquei, dança, ioga, artes marciais, capoeira ô natason i kalker atividade fízika na skola ô na programas basiadu na komunidadis, ô na studu indipendenti.

Karrera i edukason téknika

Alunos matriculados na un programa di Kapítulo 74 aprovalu pa DESE pode kunpri rekisitus di MassCore sen kunpri rekisitus di artes i língua mundial. Rekisitus di artes i línguas pode ser dispensados, más alunos é insentivadu seriamenti a faze es kursu.